

**Philologentranskription**

{1} Nous Jehans dux de Lorhaine et marchis faisons savour à tous que come notre amey Joffroys de Lynanges contes de {2} Rechicourt pour certaines *et* justes causes ait mis en main et en waige pour lui et seis hoirs à notre ameie et fiauble {3} cconsellour signour Thiebaults signour de Blanmont pour lui et seis hors tout ceu que li dis Joffrois *et* Jaicomins ses freres {4} douquel li dis Joffrois se fait fort en cest cas ont, puent *et* doivent avour à Ormes ou chaisteil et en lai fortresce {5} et en toute lai chaistellerie comme ne en quele maniere que ceu soit excepteitz le recept pour eulz en lai dite for- {6} tresce *et* chaistel et auxi certains boix et aultres choses enxi comme il appeirt plus plennement par les *lettres* ceu faites. {7} Et il soit enxi que le dis Joffrois nous ait suppliét, priét et requis que nos pour nos et nous hors veulliens loweir{8} confermeir *et* aggreir lai dicte waigiere • Assavour est que nous pour nous *et* nous hors en tant *comme* il nous {9} touche et puet toucher lowons, confermons et aggreons lai dicte waigiere entierement sens alleir ne faire alleir {9} de riens à l'encontre par nos ne par aultres pour nous en tout ne en partie par voie ou maniere qui soit quelcunque. En {10} signe de veriteit avons nos fait mettre nostre seel pendant en ces presentes lettres que furent faictes et données {11} l'an mil trois centz sexante et unze le quairt jour dou mois de mairs